

INUIT ATAQATIGIIT

Inatsisartuni



Maajip arfineq aappaat 2024

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

Apeqquq 1)

Tusagassiummi POV Internationalimi allaaserisami "Har vi nok fokus på klimaaftryk fra kunstig intelligens?" 12. marts 2024-mi saqqummersumi (<https://pov.international/har-vi-nok-fokus-klimaaftryk-kunstig-intelligens/>) allassimavoq silassoriusiamik atuneq nukissamik annertuumik atuinermik taamalu CO2-mik aniatitsinermik annertunerusumik malitseqassasoq. Tamatumuuna Naalakkersuisut qanoq isumaqarpat?

Apeqquq 2)

Silassoriusiamik atuinerup annertusineratigut nukissamik atuinerulernerup, taamalu CO2-mik aniatitsinerulernerup, inuiaqatigiinnut pisortallu ingerlatsiviini kingunerisassai pillugit naatsorsuisoqarnissaa Naalakkersuisut pilersaarutigaat?

Apeqquq 3)

Silassoriusiamik atuinerulernissamut tunngatillugu nukissiuuteqarnikkut kingunerisinnaasai pillugit nukissiuuteqarfiit oqaloqatiginissaat Naalakkersuisut pilersaarutigaat?

(Asii Chemnitz Narup Inatsisartunut ilaasorta, Inuit Ataqatigiit)

Tunngavilersuut:

Misissuinerit takutippaat silassoriusiamik atuneq nukissamik, taamalu CO2-mik aniatitsinermik, angisoorujussuarmik nassataqarsinnaasoq. Pissutsit taamaalisinnaanerit nukissiuutini atuinermik pilersaarusiormut ilanngunneqartariaqarpoq, qulakkeerumallugu nukissiuutigit pilersuinerup amigalinnginnissaa. Assersuutigalugu Google pilersaaruteqarpoq nalinginnaasumik ujarlernernut silassoriususiaq atortaleriarlugu. Googlekkut ullut tamaasa 9 milliarderiarluni ujarlertoqartarpoq, ajornerpaaffianilu nukissiummik atuneq nunap Irlanditut ittu ukiumut atuineratut annertutigissaaq (29.3 TWh). Københavnip Universitetiata ataani Datalogisk Instituttimi (DIKU-mi) ilisimatuut naatsorsorsimavaat ChatGPT atorlugu aperineq ataaseq 0,19 kilowattimemik akeqartoq. Assigaa oqarasuaatip angallattakap 40-riarluni immiinermi atuneq imaluunniit qamutit assakaasullit kallerup innitortut nal.akunnerani ataatsimi atorneranut.

Kissaatigaara apeqquqit ullut qulit qaangiutsinnagit akineqarnissaat.